

風犬傷人 二 三 九

急於無風處吮出瘡口惡血如或無血則以針刺出血用小
便洗淨外用香油調雄黃少加麝香敷之○一凡遇惡犬咬
傷如倉卒無藥卽以百草霜麻油調敷或用葱搗爛貼之牛
糞敷之或蚯蚓糞付之或口嚼杏仁爛付之皆能救急如少
延緩恐毒氣入經爲害○一方拔去頂上紅髮急令人吮去
惡血以艾灸傷處五七壯甚者灸百壯神效○一方用米泔
水洗淨沙糖敷之○一方用杏仁炒黑搗成膏貼之

避犬法 二 百 四 十

瑣碎錄云凡行道遇惡犬卽以左手大拇指掐寅上吹氣一口輪至戌上掐之犬卽退伏

糯米散 二四一

治風犬傷毒

大班蝥 二十一 個去頭足翅

右用糯米一撮先將班蝥七個入米內慢火炒勿令焦去蝥又入七個炒令焦色變又去之再入七個炒米出赤烟爲度去蝥不用只將米研爲末分三分冷水入香油少許空心調下一服須臾又進一服以二便利下惡物爲度若腹痛急以青礬調涼水解之或先用黃連甘草煎湯待冷服之不可食

熱物或用凉水調益元散解之甚妙甚者終身禁食犬肉每見食犬肉而復作者不救又見單服班蝥而死者亦有之蓋班蝥毒之尤者雖曰以毒攻毒惟少用之茲用糯米以奪其氣尤宜預備青靛黃連以解其毒而况單服班蝥者豈有不死

寶鑑

定風散

二四二

治諸犬傷毒

南星

生用

防風

等分

右爲末凡被犬咬先以口含漿水吮洗傷處或小便鹽湯但可洗淨用綿拭乾方上藥末卽不發○或用制過南星一二

錢爲末以童便調下亦可治破傷風

諸犬咬垂傷灸法 二四三

凡狼犬蛇蝎蜈蚣諸傷痛極危急或因傷受風而牙關緊急腰背反張不省人事者速切蒜片或搗爛罨傷處隔蒜灸之或三三壯或四五十壯無不應手而愈取效多矣故本草謂蒜療瘡毒有回生之功夫積在腸胃尚爲難療况四肢受患則經絡遠絕藥不易及故古人有淋洗灸刺等法正爲通經逐邪導引氣血而設也

解毒散 二四四

一名國老飲 ○治蠱毒及一切蛇虫惡獸所

傷重者毒氣入腹則眼黑口噤手足強直此藥平易不傷元氣大有神效不可以易而忽之也

明礬

甘草 各一兩

右爲末每服二錢不拘時冷水調下亦可敷患處

治馬咬傷 二四五

毒氣入心則危

馬齒莧搗爛煎湯服外以栗子嚼敷患處

蜈蚣毒 二四六

以鹽擦咬處或鹽湯洗傷處痛卽止○用後蝎螫方最妙已試○一方用吳茱萸嚼爛擦之或取井底泥傅之

解誤吞蜈蚣方 二四七

昔有婢用火筒吹火不知內有蜈蚣向火一吹蜈蚣驚竄入口不覺下喉求救人無措手適有人云取小雞一隻斷喉取血頓飲之復灌以香油取吐蜈蚣隨出

蝎螫毒 二四八

用生半夏白礬等分爲末以醋和敷傷處

亦治蜈蚣傷
無白礬亦可 ○

又蝎怕胆礬蛇怕雄黃徐春甫云親見蝎螫腫痛用胆礬

擦之立消可見南方人家不可無雄黃北方人家不可無

胆礬此制蝎第一藥也

解蜂螫毒

二四九

以小便洗擦拭乾以香油塗之○或以雄黃末擦之○或以蝎螫方治之

治鼠咬毒

二百五十

猫毛燒存性入麝香少許香油調敷傷處則不害

治誤吞水蛭

二五一

昔一人夜間飲水誤吞水蛭入腹經停日久復生水蛭食人肝血腹痛不可忍面黃瘦全不進食不治必死方用田中泥一塊小死魚三枚同猪膏溶搗勻再用巴豆十粒去油同

魚膏四味搗勻丸如綠豆大用田中冷水吞下大人五七丸
小兒三丸須臾瀉下水蛭盡却用八珍湯調理

中蚯蚓毒 二五二

石灰泡熱水涼洗患處久浸之則愈○小兒多受蚯蚓毒
則陰莖及囊俱腫如水泡用鴨血塗之或以鴨口含少時
則消○一方用鹽湯溫洗之即效

治蚕咬毒 二五三

蚕咬人毒入肉中令人發寒熱

苧葉搗敷之汁塗之今治蚕家以苧近蚕則蚕不生發也

解蜘蛛咬毒 二五四

薑汁調胡粉敷瘡口或用清油搽之內飲羊乳

本草云蜘蛛咬人令人一身生絲惟羊乳飲之可解貞元十年崔員外從質云目擊有人被蜘蛛咬腹大如孕其家棄之乞食於道一僧過之教飲羊乳未幾日而平

青囊神授散 二五五

治傳屍勞瘵血氣未甚虛損者不必多方

只以此藥早服則虫自不能爲患無有不愈者此方得之河南郡王府濟世之功不可盡述

川椒 二升去合口者略炒出汗

右爲細末空心米飲調服二錢或酒煮米粉糊爲丸桐子大

每服三十九以漸增至五十九或用酒送

解射工溪毒 二五六 葱白散 ○治溪澗中射工虫專射行人

形影人中其毒則病如瘡狀或若傷寒俗云沙發中之深者

死急用後方治之

葱白 一握切 豉 半升 葛根 二兩 升麻 七錢半

右剉如豆大每服四錢匕水二盞煎一盞去滓不拘時溫服

移時再服

千金雄黃兌散 一五七 治時氣病蠱下部生虫

雄黃 半兩 桃仁 二兩 青箱子 黃連

苦參 各三兩

右五味爲末綿裹如棗核大內下部亦可用棗汁服方寸七

日三

千金治大孔垂癢方 二五八

用大棗蒸爛爲膏以水銀和捻長二三寸許綿裹內大孔
中過宿明且垂皆出但水銀損腸宜慎之○愚按此方水
銀不必生用但如治頭虱法燒烟以棗肉拌之用必更妙
○頭髮生虱方在新因五三

雄麝散 二五九

治五種蠱毒

明雄黃

麝香

各一字另研

用生羊肺一指大以刀切開安藥在內吞下

醫丹砂丸

二百六十

治蠱毒

雄黃

朱砂

各另研

藜蘆

略炒

鬼白

巴豆霜

各二錢半

右爲末煉蜜九桐子大每服二九空心薑湯下當利惡物並

蠱毒如煩悶以鴨血爲羹食之

良方七寶丸

二六一

治蠱毒

敗鼓皮

蚕退紙

刺蝟皮

各燒

五倍子

炒

續隨子

朱砂 另研

雄黃 另研等分

右爲細末糯米粥丸小豆大每服七丸空心白水下

蜜髓煎 二六二

治中蠱令人腹內堅痛面目青黃病變無常

真蜜 一碗

猪骨髓 五兩研

右同煎熟分作十服日三服卽瘥

歸魂散 二六三

凡初中蠱毒在膈上者當用此藥吐之

白礬

建茶 各一兩

右二味爲細末每服五錢新汲水調下頓服之一時久當吐
毒出若此藥入口其味甘甜並不覺苦味者卽其證也

麥麴散 二六四

治中蠱毒吐血

用小麥麴二合分爲三服以冷水調下半日服盡當下蠱

卽瘥

挑生蠱毒簡易方 二六五

一方明礬芽茶等分爲末凉水調三錢

一方青藍汁頻頻服半合則解

一方石榴皮煎汁飲之當吐出活蠱而愈

以下雜方

嗽烟筒 二六六

治一切犯寒欬嗽遇冬便作

欬冬蔬

鵝管石

雄黃

艾葉

各等分

右爲末鋪艾上用紙捲筒燒烟吸入口內吞下卽嚙茶水一口壓之自效○一方有佛耳草無艾葉用紙捲成條每切一節約長三五分許焚爐中吸烟嚙之

靈寶烟筒

二六七

治一切寒喘欬嗽

黃蠟

雄黃

各三錢

佛耳草

欬冬蔬

各一錢

艾葉

三分

先將蠟溶化塗紙上次以艾鋪之將三味細研勻摻捲成筒用火點一頭吸烟吞之清茶送下

七寶美髯丹

二六八

補腎元烏鬚髮延年益壽

何首烏

赤白各一斤

川牛膝

半斤

將何首烏先用米泔水浸一日以竹刀刮去粗皮切作

大片用黑豆鋪甑中一層却鋪何首烏一層再鋪豆一

層却鋪牛膝一層又豆一層重重相間面上鋪豆蓋之

蒸以豆熟爲度取起晒乾次日如前換豆再蒸如此七

次去豆用

破故紙

半斤洗淨用黑芝麻同炒無聲爲度
去芝麻

白茯苓

半斤用人乳浸
透晒乾蒸熟

赤茯苓

半斤用黑牛乳
浸透晒乾蒸熟

當歸身

半斤酒洗

枸杞子

半斤去枯蒂者

右共爲末煉蜜丸龍眼大每日空心嚼二三丸溫酒米湯鹽湯俱可送下○製藥勿犯鐵器○按此卽七珍至寶丹少兔絲子一味

北京烏鬚方

二六九

兩京各處烏鬚者惟此方頗好用之雖

未至簡妙然不壞鬚傷肉制用得法者可黑一月

五倍子

擇川中之大者打作碎粒分粗細爲二先將粗

者於鍋內用文火炒成糊次入細者同炒初時大黑烟起取出不住手炒將冷又上火炒則黃烟起又取出炒